

续古逸丛书

南华真经

侯古通生本

南华真经

南華真經卷第九

莊子雜篇外物第二十六

郭象注

外物不可必故龍逢誅比干戮箕子狂惡來

死桀紂亡

善惡之所致俱不可必也

人主莫不欲其臣之忠而

忠未必信故伍員流于江甚弘死于蜀藏其

血三年而化為碧

精誠之至

人親莫不欲其子之孝

而孝未必愛故孝已憂而曾參悲

是以至人无心而應物唯

發所通

木與木相摩則然金與火相守則流陰

陽錯行則天地大絪於是乎有雷有霆水中

有火乃焚大槐

所謂錯行

有甚憂兩陷而无所逃



苟不能忘形則隨形所遭而陷於憂樂左右无宜也墮螭不得成矜之愈重則所

守故不得成心若縣於天地之間所希政者高而闢也慰啓沈屯

非清夷平暢也利害相摩生火甚多內熱故也衆人焚和衆

而道利則和若利害存懷則其和焚也月固不勝火大而闇則多累小而明則知分於是

乎有債然而道盡唯債然无矜遺形自得道乃盡也莊周家貧

故往貸粟於監河侯監河侯曰諾我將得邑金

將貸子三百金可乎莊周忿然作色曰周昨

來有中道而呼者周顧視車轍中有鮒魚

焉周問之曰鮒魚來子何爲者邪對曰我東

海之波臣也君豈有斗升之水而活我哉周

曰諾我且南遊吳越之王激西江之水而迎子  
可乎鮒魚忿然作色曰吾失我常與我无所  
處吾得斗升之水然活耳君乃言此曾不如  
早索我於枯魚之肆

此言當理无小苟其不當雖大何益

任公子爲

大鉤巨緇五十犗以爲餌蹲乎會稽投竿東  
海旦旦而釣期年不得魚已而大魚食之牽巨  
鉤鎰沒而下鰲揚而奮鬚曰波若山海水震  
蕩聲侔鬼神憚赫千里任公子得若魚離而  
腊之自制河以東蒼梧已北莫不厭若魚者已  
而後世輕才諷說之徒皆鰲而相告也夫揭竿



累趨灌瀆守鯢鮒其於得大魚難矣飾小

說以干縣令其於大達亦遠矣是以未嘗聞

任氏之風俗其不可與經於世亦遠矣此言志趣不同

故經世之宜小大各有所適也儒以詩禮發冢大儒臚傳曰東方

作矣事之何若小儒曰未解裙襦口中有珠詩

固有之曰青青之麥生於陵陂生不布施死

何含珠為接其鬚摩其顙儒以金椎控其顙

徐別其頰无傷口中珠詩禮者先王之陳迹也苟非其人道不虛行故天儒者乃有

用之為茲則迹不足恃也老萊子之弟子出薪遇仲尼反以

告曰有人於彼脩上而趨下長上而促下也未僂而後耳

耳却近後  
而上僂

視若營四海

視之偶然似  
營他人事者

不知其誰氏之子老

萊子曰是丘也召而來仲丘至曰丘去汝躬矜

與汝容知斯為君子矣

謂仲丘能遺形去  
知故以為君子

仲丘揖而

退

受其  
言也

蹙然改容而問曰業可得進乎

設問之令  
老萊明其

不可老萊子曰夫不忍一世之傷而鰲萬世之患

一世為之則其迹萬  
世為患故不可輕也

抑固窶邪亡其略弗及邪

直任之  
則民性

不擊而皆自有略  
无弗及之事也

惠以歡為鰲終身之醜

惠之而歡者  
无惠則醜矣

然惠不可長故  
一惠終身醜也

中民之行進焉耳

言其易進則  
不可妄惠之

相引

以名相結以隱

隱括進  
之謂也

與其譽堯而非桀不如

兩忘而閉其所譽

閉者  
閉塞

反无非傷也動无非



邪也

順之則全  
靜之則正

聖人躊躇以興事以每成功

事不  
速本

故其功  
每成

奈何哉其載焉終矜爾

矜不可載故  
遠而弗有也

宋元

君夜半而夢人被髮闕阿門曰予自宰路之  
淵子爲清江使河伯之所漁者余且得子元  
君覺使人占之曰此神龜也君曰漁者有余  
且乎左右曰有君曰令余且會朝明日余且  
朝君曰漁何得對曰且之網得白龜焉其圓  
五尺君曰獻若之龜龜至君再欲殺之再欲  
活之心疑卜之曰殺龜以卜吉乃剗龜七十二  
鑽而无遺筴仲尼曰神龜能見夢於元君而



不能避余且之網知能七十二鑽而无遺筴不

能避剗腸之患如是則知有所困神有所不及

也神知之不足恃也如是夫唯靜然居其所能而不營於外者為全雖有至知萬人謀

之不用其知而用眾謀魚不畏網而畏鵜鶘網无情故得魚去小知而

大知明小知自私大知任物去善而自善矣去善則善无所慕善无所慕則善者不矯

而自善也嬰兒生无石師而能言與能言者處也然

无謂而自能者非跛而學彼也惠子謂莊子曰子言无用莊子曰

知无用而始可與言用矣夫地非不廣且大也

人之所用容足耳然則廁足而執之致黃泉人

尚有用乎惠子曰无用莊子曰然则无用之

為用也亦明矣

聖應其內當事而發已言其外以暢事情情暢則事通外明則內用相須之理然也

莊子曰人有能遊且得不遊乎人而不能遊且

得遊乎

性之所能不得不為也性所不能不得強為故聖人唯莫之制則同焉皆得而不知所以得也

夫涼

遁之志決絕之行噫其非至知厚德之任與

非至厚則莫能任其志行而信其殊能也

覆墜而不反火馳而不顧

人之所好

不避是非死生以之雖相與為君臣時也易世而无以相

賤

所以為大齊同

故曰至人不留行焉

唯所遇而因之故能與化俱

夫尊

古而卑今學者之流也

古无所尊今无所卑而學者尊古而卑今失其原矣

且

以狝韋氏之流觀今之世夫孰能不波

隨時因物乃平泯也

唯至人乃能遊於世而不僻

當時應務所在為正

順人而不



失已

本无我我何失焉

彼教不學

教因彼性故非學也

承意不彼

彼意自然故承

而用之則失萬物各全其我

目徹為明耳徹為聰鼻徹為顫口徹

為甘心徹為知知徹為德凡道不欲壅壅則

哽哽而不止則跖

當通而塞則理有不泄而相騰踐也

跖則衆害生

生起也

物之有知者恃息

凡根生者无知亦作恃息也

其不殷非天之罪

殷當也夫息不由知由知然後失當失當而後不通故知恃息息不恃知也然知欲之用制之由人非不得已之符也

天之

穿之曰夜无降

通理有常運

人則顧塞其實

无性任天實乃開

胞

有重閭

閭宰

心有天遊

遊不係也

室无空虚則婦姑

勃谿

爭處也

心无天遊則六鑿相攘

攘逆

大林丘山

之善於人也亦神者不勝

自然之理有寄物而通也

德溢乎



名

夫名高則利深故脩德者過其當

名溢乎暴

夫禁暴則名美於德

謀稽乎

詘

詘急也急而後考其謀

知出乎爭

平往則无用知

柴生乎守

柴塞官也

事果乎衆宜

衆之所宜者不一故官事立也

春兩日時草木怒生

銚鑄於是乎始脩

夫事物之生皆有由

草木之到植者過

半而不知其然

夫事由理發故不覺

靜然可以補病

非不病也

媿可以休老

非不老也

寧可以止遽

非不遽也

雖然若是

勞者之務也非佚者之所未嘗過而問焉

是若

猶有勞故佚者超然不顧

聖人之所以駭天下神人未嘗過而

問焉

神人即聖人也聖言其外神言其內

賢人所以駭世聖人未嘗

過而問焉君子所以駭國賢人未嘗過而問

焉小人所以合時君子未嘗過而問焉

趨步各有分高下各有等

演門有親死者以善毀爵為官師其黨人毀而死

者半

慕賞而孝去真遠矣斯尚賢之過也

堯與許由天下許由逃之

湯與務光務光怒之紀他聞之帥弟子而跋於

窾水諸侯弔之三年申徒狄因以踣河

其波蕩傷性遂至於

<sup>此</sup>荃者所以在魚得魚而忘荃蹄者所以在

兔得兔而忘蹄言者所以在意得意而忘言

吾安得夫忘言之人而與之言哉

至於兩聖无意乃都无所言也

莊子雜篇寓言第二十七

郭象注

寓言十九

寄人他人則十言而九見信

重言十七

世之所重則十言而七見信

卮言



日出和以天倪

夫厄滿則傾空則仰非持故也況之於言因物隨變唯彼之從故曰日出謂日新也

日新則盡其自然之分盡則和也

寓言十九藉外論之

言出於已俗多不受

故借外耳肩吾連叔之類皆所借者也

親父不為其子媒親父譽之

不若非其父者也

父之譽子誠多不信然時有信者輒以常嫌見疑故借外論也

非吾

罪也人之罪也

已雖信而懷常疑者猶不受寄之彼人則信之人之聽有斯累也

與已同則

應不與已同則反

互相非也

同於已為是之異於已

為非之

三異同處而二異訟其所取是必於不訟者俱異耳而獨信其所是非借外如何

重言十

七所以已言也是為者艾

以其者艾故俗共重之雖使言不借外猶十信其

七年先矣而无經緯本末以期年老者是非

先也

年在物先耳其餘本末无以待人則非所以先也期待也

人而无以先人无人道



也人而无人道是之謂陳人

直是陳父之人耳而俗便共信之此俗之所以為安故而

習常也

卮言日出和以天倪因以曼衍所以窮年

夫自然有分而是非无主无主則曼衍矣誰能定之哉故曠然无懷因而任之所以各終其天年

不言則齊

齊與言不齊言與齊不齊也

付之於物而就用其言則彼此是非居然

自齊若不能因彼而立言以齊之則我與萬物復不齊耳

故曰无言

言彼所言故雖有三言无言而我竟不言也

言終身言未嘗不言

雖出吾口皆彼言耳

終身不言未嘗不

言

據出我口

有自也而可有自也而不可有自也而然有

自也而不然惡乎然然於然惡乎不然不然於

不然惡乎可可於可惡乎不可不可於不可

也由彼我之情物固有所然物固有所可各自然无

物不然无物不可統而言之則无可无不非卮言日出和

以天倪孰得其久夫唯言隨物制而任其天然之分者能无天落萬物皆種

也以不同形相禪雖變化相代原其氣則一始卒若環於今為始者於昨已

復為莫得其倫理自爾故莫得是謂天均天均者天倪

也夫均齊者豈妄哉皆天然之分莊子謂惠子曰孔子行年六十

而六十化與時俱也始時所是卒而非之時變則德情亦變乘物以遊心者豈

異於俗哉未知今之所謂是之非五十九非也變者不停是者不可常

惠子曰孔子勤志服知也謂孔子勤志服膺而後知非能任其自化也此明惠

子不及聖人之韻遠矣莊子曰孔子謝之矣而其未之嘗言

謝變化之自爾非知力之所為故隨時任物而不造言也孔子云夫受才乎大本復



靈以生

若役其才知而不復其本靈則生亡矣

鳴而當律言而當法

鳴者

律之所生言者法之所出而法律者衆之所爲聖人就用之耳故无不當而未之嘗言未之嘗爲也

利義陳乎

前而好惡是非直服人之口而已矣

服用也我无言也我之所言直用人

之口耳好惡是非利義之陳未始出吾口也

使人乃以心服而不敢誾立定

天下之定

口所以宣心既用衆人之口則衆人之心用矣我順衆心則衆心信矣誰敢逆立哉吾因天下之自定而

定之又

已乎已乎吾且不得及彼乎

因而乘之故无不及

曾子再仕而心再化曰吾及親仕三釜而心樂後

仕三千鍾不泊吾心悲

與及也

弟子問于仲尼曰

若參者可謂无所縣其罪乎

縣係也謂參仕以爲親无係祿之罪

曰既已縣矣

係於祿以養也

夫无所縣者可以有哀